



Áhættustefna

Nóvember 2022

Inngangur

Áhættustefna LSR og áhættustýring byggir á reglugerð 590/2017 um eftirlitskerfi með áhættu lífeyrissjóða. Jafnframt byggir áhættustefnan og áhættustýring á lögum nr. 129/1997, um skyldutryggingu lífeyrisréttinda og starfsemi lífeyrissjóða (lífeyrissjóðalög), sem og reglugerð nr. 916/2009, um fjárfestingarstefnu og úttekt á ávöxtun lífeyrissjóða og vörsluaðila séreignarsparnaðar ásamt lögum nr. 1/1997, um Lífeyrissjóð starfsmanna ríkisins (LSR).

Um er að ræða skjalfesta stefnu stjórnar um áhættu í starfsemi sjóðsins og þá áhættu sem stjórnin er reiðubúin að taka í samræmi við markmið og framtíðarsýn sjóðsins. Áhættustýring er hluti af eftirlitskerfi sjóðsins með áhættu sem fjallað er nánar um í áhættustýringarstefnu sjóðsins.

Stjórn LSR ber endanlega ábyrgð á að fullnægjandi áhættueftirlit sé til staðar, en framkvæmdastjóri og sviðsstjóri áhættustýringar sjá um framkvæmd þess fyrir hönd stjórnarinnar.

Markmið

Samkvæmt 9. tölulið 3. mgr. 29. gr. laga nr. 129/1997, um skyldutryggingu lífeyrisréttinda og starfsemi lífeyrissjóða, skal stjórn setja áhættustefnu og móta eftirlitskerfi með áhættu sjóðsins.

Áhættustefna LSR er eitt af lykilverkfærum stjórnar til að uppfylla skyldur sínar sem yfirstjórn sjóðsins. Í áhættustefnu er áhættuvilji stjórnar skilgreindur og tekur fjárfestingastefna sjóðsins mið af honum. Áhættustefna og fjárfestingastefna mynda þannig saman umgjörð sem miðar að því að sjóðurinn nái markmiðum sínum með hliðsjón af aðstæðum á mörkuðum á hverjum tíma.

Sviðsstjóri áhættustýringar hefur yfirumsjón með framkvæmd áhættustefnu og leggur fram tillögur að breytingum fyrir stjórn ef þörf krefur.

Áhættuvilji og áhættuþol

Áhættuvilji (e. Risk appetite) er sú áhætta sem stjórn er reiðubúin að taka í því skyni að ná settum markmiðum. Áhættuþol (e. Risk tolerance) er sú áhætta sem lífeyrissjóður þolir án þess að grípa þurfi til sérstakra aðgerða.

Áhættuþáttum er snúa að rekstri sjóðsins er skipt upp í fimm yfirflokka: fjárfestingar, lausafjárstýringu, lífeyrisskuldbindingar, upplýsingatækni og rekstur sem saman mynda áhættusnið sjóðsins. Þessum flokkum er skipt upp í áhættuþætti sem allir eru áhættumetnir auk þess sem ákvarðaður er áhættuvilji og áhættuþol fyrir þá eftir því sem við á.

Við mat á áhættuvilja og áhættuþoli er fyrst og fremst horft til þeirra laga og reglna sem gilda um starfsemina, t.d. hvað varðar ávöxtunarkröfu og lífeyrisskuldbindingar. Fjárfestingastefna sjóðsins, sem endurskoðuð er árlega, endurspeglar áhættuvilja stjórnar og áhættuþol sjóðsins. Sjóðurinn starfar í þremur ólíkum deildum, A-deild, B-deild og séreign og er áhættuvilji og áhættuþol ekki það sama fyrir allar deildirnar. Gerð er sjálfstæð fjárfestingastefna fyrir hverja deild og endurspeglar hún mismunandi áhættuvilja hvorrar deildar fyrir sig.

Áhættuvilji stjórnar endurspeglast fyrst og fremst í fjárfestingastefnu m.a. sem:

- Eignasamsetning sem stefnt er að í hverjum eignaflokki.

- Hámarkshlutdeild í hlutabréfum einstakra félaga, eða hlutdeildarskírteinum einstakra fagfjárfestasjóða sem endurspeglar þá mótaðilaáhættu sem sjóðurinn er tilbúinn að taka gagnvart einstökum útgefendum.
- Hámark fjárfestinga í erlendum gjaldmiðlum sem endurspeglar þá gjaldeyrisáhættu sem sjóðurinn er reiðubúinn að taka.
- Hlutfall innlána borið saman við hreina eign sem endurspeglar þá lausafjárahættu sem sjóðurinn er reiðubúinn að taka.

Áhættuvilji upplýsingatækni og reksturs miðast við að sjóðurinn geti staðið við lögbundið hlutverk sitt. Í þessum áhættuþáttum er leitast við að framkvæma beinar aðgerðir til að stýra eða draga úr áhættu. Áhættuviljinn er flokkaður í fimm meginflokkum og er áhættuvilji stjórnar í upplýsingatækni og rekstri *Óverulegur*.

Tafla 1. Skali áhættuvilja.

Mikill áhættuvilji	Mikil áhætta er tekin meðvitað í þeim tilgangi að mikill ávinningur geti hlotist af því. Þessi mikla áhætta gæti haft í för með sér meiriháttar afleiðingar, s.s. mikla tapsáhættu eða orðsporsmissi.
Verulegur áhættuvilji	Veruleg áhætta er tekin meðvitað í þeim tilgangi að talsverður ávinningur hljóttist af að jafnaði. Þessi verulega áhætta gæti haft í för með sér miklar afleiðingar, s.s. tapsáhættu eða orðsporstjón.
Nokkur áhættuvilji	Nokkur áhætta er tekin. Áhættan er þekkt og ásættanleg og/eða óhjákvæmileg í rekstri sjóðsins. Áhættan kann að vera nauðsynleg til að ná settum markmiðum eða ekki er mögulegt eða hagkvæmt að beita áhættuvörnum.
Óverulegur áhættuvilji	Óveruleg áhætta er tekin þar sem leitast er við að framkvæma beinar aðgerðir til að stýra eða draga úr áhættu. Ekki er víst að það sé hagkvæmt eða mögulegt að stýra áhættu að fullu en það gæti reynst hagkvæmt að grípa til aðgerða sem minnka líkur á eða draga úr áhrifum áhættu þar sem því verður við komið. Slíkar aðgerðir fara eftir eðli máls hverju sinni og geta verið breytilegar.
Lágmarks áhættuvilji	Sem minnst áhætta er tekin meðvitað. Markvisst er leitast við að komast hjá áhættu, t.d. með því að fara út úr áhættusömum verkefnum eða fjárfestingum.

Áhættuþol fjárfestinga A-deildar markast m.a. af líkum á að tryggingafræðileg staða lækki um 10 prósentustig. Áhættuþol fjárfestinga B-deildar byggir á samskonar aðferðafræði og A-deild.

Áhættuþol fjárfestinga séreignarleidda markast af áhættumælikvörðum sem reiknaðir eru út frá flökti á gengi leiðanna skv. framseldri reglugerð ESB nr. 2017/653.

Áhættuþol lausafjár tekur m.a. mið af mánaðarlegum lífeyrisgreiðslum mismunandi deilda sjóðsins ásamt öðrum skuldbindingum er tengjast fjárfestingum. Áhættuþolið markast af því að deildirnar eigi nægjanlegt hlutfall auðseljanlegra eigna á hverjum tíma til að standa undir áætluðu nettó útflæði.

Áhættuþol lífeyrisskuldbindinga A-deildar tekur mið af tryggingafræðilegri stöðu deildarinnar hverju sinni, sbr. 2. mgr. 36. gr. laga nr. 129/1997 þar sem kveðið er á um að sjóðnum beri að grípa til sérstakra aðgerða leiði tryggingafræðileg athugun í ljós meiri en 10% mun á milli eignaliða og skuldbindinga eða ef munur hefur haldist meiri en 5% samfelld í fimm ár. Ríkissjóður ábyrgist greiðslu lífeyris úr B-deild sbr. 32. gr. laga nr. 1/1997 og því er áhættuþol deildarinnar ekki skilgreint með sama hætti og fyrir A-deild. Skuldbindingahalli er á deildinni og sjóðspurrð fyrirsjáanleg að óbreyttu og leggur sjóðurinn áherslu á að upplýsa fjármála- og efnahagsráðuneytið reglulega um þróun framtíðarskuldbindingar og áhrif þess ef að sjóðurinn tæmist.

Áhættuþol sjóðsins vegna upplýsingatækni og reksturs tekur mið af því að tryggja að ávallt sé hægt að greiða út réttan lífeyri á réttum tíma. Sjóðurinn er með mánaðarlegar eftirlitsaðgerðir til þess að tryggja að þessu grunnhlutverki sé framfylgt.

Í neðangreindri töflu er yfirlit yfir helstu áhættuþætti sjóðsins þar sem tilgreindur er áhættuvilji stjórnar fyrir hvern þátt svo og áhættuþol sjóðsins. Áhættuþáttum sjóðsins er lýst nánar í áhættustýringarstefnu.

Tafla 2. Áhættuvilji og áhættuþol

Áhættusnið	Afstaða til áhættu	Áhættuþáttur	Deild	Áhættuvilji	Áhættuþol
Fjárfestingar	<p>A-deild: Meira vægi hlutabréfa en skuldabréfa.</p> <p>Áhættan er tekin með væntingar um hærri ávinning en A-deild LSR er langtíma fjárfestir með lágt útgreiðsluhlutfall næstu árin og þolir því sveiflur.</p> <p>B-deild: Deildin gengur á eignir til greiðslu lífeyris og fjárfestingartímabil tekur mið af áætlun um líftíma B-deildar, sem endurspeglast í lægri áhættuvilja í samanburði við A-deild.</p> <p>Leið I: Hlutabréfaleið sem þýðir að sveiflur í ávöxtun geta orðið nokkrar. Áhættan er töluverð en ávinningur getur á móti verið mikill.</p> <p>Leið II: Skuldabréfaleið sem þýðir minni sveiflur í ávöxtun en í leið I og þar af leiðandi minni áhættu.</p> <p>Leið III: Innlánsleið þar sem séreignarsparnaðurinn er ávaxtaður að mestu á verðtryggðum innlánsreikningum.</p>	Markaðsáhætta, Gjaldeyrir	A-deild	Áhættuvilji stjórnar miðast við að eignir í erlendum gjaldmiðlum verði 45% af heildareignum til lengri tíma litið.	Eignir í erlendum gjaldmiðlum fari ekki umfram 50% af heildareignum deildarinnar, sbr. 1. mgr. 36. gr. d. laga nr. 129/1997.
			B-deild	Áhættuvilji stjórnar miðast við að eignir í erlendum gjaldmiðli verði 35% af heildareignum til lengri tíma litið.	Eignir í erlendum gjaldmiðli verði allt að því 45% af heildareignum deildarinnar.
			Séreign I	Áhættuvilji stjórnar miðast við að eignir í erlendum gjaldmiðli verði 55% af heildareignum til lengri tíma litið.	Eignir í erlendum gjaldmiðli verði allt að því 65% af heildareignum deildarinnar.
			Séreign II	Áhættuvilji stjórnar miðast við að eignir í erlendum gjaldmiðli verði 27% af heildareignum til lengri tíma litið.	Eignir í erlendum gjaldmiðli verði allt að því 45% af heildareignum deildarinnar.
			Séreign III	Á ekki við þar sem eignir Leiðar III eru eingöngu innlán í ISK.	
		Markaðsáhætta, Verðbréf	A-deild	Áhættuvilji gagnvart verðbreytingum á mörkuðum endurspeglast í líkum á að verðbreytingar valdi því að tryggingafræðileg staða versni um 10 prósentustig. Líkurnar skulu ekki vera hærri en 7%.	Áhættuþol sjóðsdeildarinnar markast af líkum á að tryggingafræðileg staða versni um 10 prósentustig. Líkurnar skulu ekki vera hærri en 15%.
			B-deild	Áhættuvilji gagnvart verðbreytingum á mörkuðum endurspeglast í líkum á að verðbreytingar valdi því að tryggingafræðileg staða versni um 10 prósentustig. Líkurnar skulu ekki vera hærri en 5%.	Áhættuþol sjóðsdeildarinnar markast af líkum á að tryggingafræðileg staða versni um 10 prósentustig. Líkurnar skulu ekki vera hærri en 7%.

Áhættusnið	Afstaða til áhættu	Áhættuþáttur	Deild	Áhættuvilji	Áhættuþol
			Séreign I	Áhættuvilji Leiðar I markast af flökti á gengi fjárfestingarleiðarinnar, þ.e. MRM áhættumælikvarða sem reiknaður er skv. framseldri reglugerð ESB nr. 2017/653 og skal að jafnaði vera í áhættuflokki 3.	MRM áhættumælikvarði Leiðar I skal ekki vera hærri en 4.
			Séreign II	Áhættuvilji leiðar II markast af flökti á gengi fjárfestingarleiðarinnar, þ.e. MRM áhættumælikvarða sem reiknaður er skv. reglugerð ESB og skal að jafnaði vera í áhættuflokki 2.	MRM áhættumælikvarði Leiðar II skal ekki vera hærri en 3.
			Séreign III	Áhættuvilji leiðar III markast af flökti á gengi fjárfestingarleiðarinnar, þ.e. MRM áhættumælikvarða sem reiknaður er skv. reglugerð ESB og skal að jafnaði vera í áhættuflokki 2.	MRM áhættumælikvarði Leiðar III skal ekki vera hærri en 2.
		Markaðsáhætta, Verðbólga	A-deild	Áhættuvilji sjóðsins gagnvart hlutfalli verðtryggðra eigna miðast við að hlutfallið sé hærra en 25% af heildareignum til lengri tíma.	Áhættuþol sjóðsins gagnvart hlutfalli verðtryggðra eigna af heildareignum deildanna er ekki skilgreint.
			B-deild		
			Séreign I	Áhættuvilji og áhættuþol fyrir deildirnar hefur ekki verið skilgreint.	
			Séreign II		
		Séreign III	Á ekki við þar sem eignir Leiðar III eru aðallega verðtryggð innlán í ISK.		
		Mótaðila- og samþjöppunar-áhætta	A-deild	Áhættuvilji og áhættuþol gagnvart mótaðila- og samþjöppunaráhættu markast af þeim takmörkum sem sjóðnum ber að fara eftir vegna hámarks á einstakar tegundir eignaflokka, mótaðilaáhættu og annarra takmarkana skv. 1.-7. mgr. 36. gr. c. laga nr. 129/1997.	Áhættuvilji og áhættuþol fyrir deildina hefur ekki verið skilgreint. Séreign III byggir á verðtryggðum innlánum hjá innlendum lánastofnunum og er þeim dreift á þrjár stærstu lánastofnanirnar. Sjóðurinn er meðvitaður um að áhætta vegna framangreinds er talsverð.
			B-deild		
			Séreign I		
			Séreign II		
Séreign III	Áhættuvilji og áhættuþol fyrir deildina hefur ekki verið skilgreint. Séreign III byggir á verðtryggðum innlánum hjá innlendum lánastofnunum og er þeim dreift á þrjár stærstu lánastofnanirnar. Sjóðurinn er meðvitaður um að áhætta vegna framangreinds er talsverð.				
Útlánaáhætta, lögaðilar	A-deild	Útlánaáhætta nær yfir eftirfarandi eignaflokka í eignasafni sjóðsins.			
	B-deild	- Fyrirtækjabréf			

Áhættusnið	Afstaða til áhættu	Áhættuþáttur	Deild	Áhættuvilji	Áhættuþol
			Séreign I	- Lánastofnannabréf	
			Séreign II	- Sértryggð bréf	
			Séreign III	- Veðskuldabréf - Sjóðfélagalán	
		Útlánaáhætta, sjóðfélagar	A-deild og B-deild	Áhættuvilji stjórnar og áhættuþol sjóðsins og gagnvart útlánaáhættu markast af lánareglum sjóðsins og 36. gr. c laga nr. 129/1997. Á ekki við um eignir Leiðar III sem eru aðallega verðtryggð innlán í ISK.	
Lausafjárstýring	A-deild: Bæði inn- og útfærði deildarinnar næstu árin er fyrirsjáanlegt og því forðast sjóðurinn að taka meðvitaða áhættu í lausafjárstýringu deildarinnar án þess að lagður sé þungi í að útiloka hana algerlega. B-deild: Deildin er lokuð og með stöðugt og fyrirsjáanlegt útfærði af eignum. Sjóðurinn forðast því við að taka meðvitaða áhættu. Leið I og II: Fjárfestingarleiðir eru opnar fyrir flutningi innbyrðis og einnig annarra séreignarsjóða. Til að geta brugðist við skyndilegu útfærði eru eignir deildarinnar að stærstum hluta í auðseljanlegum eignum. Leið III: Hugsað sem ígildi bankareiknings og því með lágmarksáhættu.	Lausafjárahætta	A-deild	Auðseljanlegar eignir skulu vera hærri en áætlað nettó útfærði næstu 12 mánaða.	Áhættuþol deildanna markast af lausafjárstöðu, þ.e. að hlutfall auðseljanlegra eigna sé nægilegt á hverjum tíma til að standa undir nettó útgreiðslum, hvort sem er í formi lífeyrisgreiðslna, útfærðis eða innkallana áskriftarloforða. Auðseljanlegar eignir skulu vera hærri en áætlað nettó útfærði næstu 3ja mánaða.
			B-deild	Auðseljanlegar eignir skulu vera hærri en áætlað nettó útfærði næstu 12 mánaða.	
			Séreign I	Auðseljanlegar eignir skulu vera hærri en áætlað nettó útfærði næstu 12 mánaða.	
			Séreign II		
			Séreign III	Áhættuvilji og áhættuþol hefur ekki verið skilgreint. Vægi innlána er 100% og aðallega á verðtryggðum reikningum en heimilt er að ávaxta hluta af innlánum á óbundnum óverðtryggðum reikningum vegna mánaðarlegs greiðslustreymis deildarinnar og til að mæta óvæntu útstreymi úr deildinni.	

Áhættusnið	Afstaða til áhættu	Áhættupáttur	Deild	Áhættuvilji	Áhættuþol
Lífeyris-skuldbindingar	Leitast er við að ársreikningur sjóðsins gefi sem besta mynd af fjárhagsstöðunni og því leitast við að meta skuldbindingar með eins réttum hætti og tók er á til að draga úr lífeyristryggingaráhættu. Jafnframt er leitast við að ná því markmiði að eignir geti mætt skuldbindingum til lengri tíma og mótast fjárfestingastefna deildanna út frá því og markaðsaðstæðum á hverjum tíma.	Eigna- og skuldbindinga-jöfnuður	A-deild	Áhættuþol A-deildar tekur mið af tryggingafræðilegri stöðu deildarinnar hverju sinni. Samkvæmt 39. gr laga nr. 129/1997 má munur á milli eignaliða og lífeyrisskuldbindinga ekki vera meira en 10% eða 5% í meira en 5 ár samfelld. Áhættuvilji stjórnar miðast við sömu takmarkanir.	Ríkissjóður ábyrgist greiðslu lífeyris úr B-deild sbr. 32. gr. laga nr. 1/1997 og því er áhættuþol deildarinnar ekki skilgreint.
			B-deild		
		Lífeyristrygginga-áhætta	A-deild		
			B-deild		
Upplýsingatækni	Rekstur sjóðsins hefur verið stöðugur og markmiðið er að hann verði það áfram. Þess vegna forðast sjóðurinn að taka meðvitaða rekstraráhættu án þess að lagður sé sérstakur þungi á að útiloka hana alfarið.	Áhætta lykilverfa	Áhættuvilji stjórnar miðast við að sjóðurinn geti staðið við lögbundið hlutverk sitt þar sem þar sem leitast er við að framkvæma beinar aðgerðir til að stýra eða draga úr áhættu.	Áhættuþol sjóðsins markast af því að ávallt sé hægt að greiða út réttan lífeyri á réttum tíma.	
Afhendingar-áhætta		Í því ljósi miðar áhættuþol og áhættuvilji stjórnar gagnvart þeim áhættupáttum sem tilheyra upplýsingatækni og rekstri við að líkur og afleiðing áhættu verði litlar eða miðlungs.			
Iðgjöld					
Persónuvernd					
Úrskurður lífeyris					
Útborgun lífeyris					
Skjölun					
Starfsmenn					
Sviksemi					
Upplýsingar					
Útvistun					
Stjórnarhættir					

Áhættuskrá

LSR viðheldur sérstakri áhættuskrá sem byggð er á áhættugreiningum og áhættumati á á helstu áhættuþáttum sem snúa að sjóðnum. Áhættuskráin nær til allra áhættuþátta sem LSR hefur skilgreint sem lykiláhættu. Í áhættuskrá er einnig haldið utan um úrbótaverkefni og eftirfylgni þeirra í kjölfar áhættumats. Áhættuskrá er endurskoðuð og uppfærð eins oft og þurfa þykir og er hún órjúfanlegur hluti af áhættustefnu sjóðsins.

Áhættumat

Áhættuþættir sjóðsins eru greindir og metnir með reglubundnum hætti þar sem ógnir einstaka áhættuþátta eru metnar út frá alvarleika og horft annars vegar til þeirra áhrifa sem einstök ógn getur haft í för með sér og hins vegar hvaða líkur eru á að hún verði að veruleika. Þar sem því verður við komið er stuðst við mælanlega mælikvarða. Í öðrum tilvikum t.a.m. við rekstraráhættu er stuðst við áhættumatsfylki sjóðsins þar sem staðsetning matsins gefur stig áhættu á 5 stiga (lita) skala sem er notaður til að meta fylgni við áhættuvilja stjórnar, sbr. töflu 1. Áhættumat sem fellur innan dökkgræna svæðisins er lágmarks áhætta og áhættumat sem fellur innan rauða svæðisins er mikil áhætta. Þannig má meta hvort metin áhætta sé innan eða utan áhættuvilja stjórnar.

Tafla 3. Áhættumatsfylki

		Afleiðing			
		1 Litlar	2 Miðlungs	3 Miklar	4 Meiriháttar
Líkur	4 Næstum öruggt, viðvarandi				
	3 Miklar				
	2 Miðlungs				
	1 Litlar				

Ferli áhættustýringar sem lýsir m.a. framkvæmd á greiningu og mati einstakra áhættuþátta ásamt viðeigandi eftirliti og eftirfylgni er lýst nánar áhættustýringarstefnu sjóðsins.

Eigið áhættumat er framkvæmt að lágmarki árlega og þegar breyting verður á áhættusniði sjóðsins samkvæmt reglugerð 590/2017 um eftirlitskerfi með áhættu lífeyrissjóða. Eigið áhættumat skal unnið af áhættustýringu LSR í samræmi við áhættustýringarstefnu sjóðsins. Matið tekur tillit til allra helstu áhættuþátta sem skilgreindir eru í áhættuskrá sjóðsins. Við áhættumatið er m.a. álagsprófum og sviðsmyndagreiningum beitt eftir því sem við á.

Skýrsla um eigið áhættumat er kynnt stjórn sem rýnir ferlið og endurskoðar forsendur og niðurstöður. Skýrslunni er skilað til Fjármálaeftirlits Seðlabankans eigi síðar en 30. júní árlega. Í skýrslunni kemur m.a. eftirfarandi fram:

- Greining á helstu áhættuþáttum í starfsemi sjóðsins
- Lýsing á aðferðum sem notaðar voru við matið
- Sviðsmyndir og álagspróf sem sjóðurinn framkvæmdi
- Aðgerðir sem sjóðurinn hyggst grípa til ef áhætta raungerist

- Hvernig niðurstöður eru notaðar í daglegri starfsemi sjóðsins, svo sem ákvarðanatöku og endurskoðun á áhættustefnu og fjárfestingarstefnu.

Nánari útlitun á framkvæmd eigin áhættumats er lýst í áhættustýringarstefnu.

Áhættustýringarstefna

Sjóðurinn hefur sett sér áhættustýringarstefnu um hvernig lífeyrissjóðurinn hefur eftirlit með einstökum tegundum áhættu. Í stefnunni er m.a. fjallað um:

- Hlutverk og ábyrgð, stjórnar, framkvæmdastjóra, áhættustýringar og annarra sem koma að áhættustýringu sjóðsins.
- Hvernig stuðlað er að góðri áhættumenningu innan LSR.
- Áhættuvilja stjórnar og áhættuþol sjóðsins og mælikvarða sem stuðst er við.
- Umfjöllun um ferli áhættustýringar, þ.m.t. aðferðir við mat á áhættu, áhættumildandi aðgerðir, frávíkaskráningu, skýrslugjöf og framkvæmd eigin áhættumats.
- Áhættuþætti í starfsemi sjóðsins og eigendur þeirra.
- Viðbrögð ef áhætta er utan áhættuvilja stjórnar.

Upplýsingagjöf og endurskoðun

Starfssvið áhættustýringar er sjálfstætt og óháð öðrum starfseiningum og skal m.a. hafa óheftan aðgang að stjórn og undirnefndum stjórnar. Sviðsstjóri áhættustýringar ber ábyrgð á skýrslugerð og upplýsingagjöf til stjórnar og annarra viðeigandi aðila.

Áhættustefna er endurskoðuð að lágmarki árlega og þegar markverðar breytingar verða á áhættusniði lífeyrissjóðsins. Áhættustefna er samþykkt af stjórn LSR og breytingar taka gildi við samþykki stjórnar.

Þannig samþykkt áhættustefna fyrir LSR á stjórnarfundi 30. nóvember 2022 undirritað rafrænt samkvæmt lögum nr. 55/2019 um rafræna auðkenningu og traustþjónustu fyrir rafræn viðskipti af stjórn Lífeyrissjóðs starfsmanna ríkisins og framkvæmdastjóra sjóðsins því til staðfestingar.

Undirritunarsíða

Árni Stefán Jónsson

Áslaug María Friðriksdóttir

Guðrún Ögmundsdóttir

Unnur Pétursdóttir

Viðar Helgason

Þórveig Kristín Þormóðsdóttir

Jökull Heiðdal Úlfsson

Magnús Þór Jónsson

Harpa Jónsdóttir